

# **Manna**

**Brood uit die Hemel**

**Nagmaal 3 September 2017**

# ***1. Wat is Manna?***



## Exodus 16

**[15]** Toe die kinders van Israel dit sien, sê hulle vir mekaar: Wat is dit [“man hu”]? Want hulle het nie geweet wat dit was nie. Daarop sê Moses vir hulle: Dit is die brood wat Jahwe julle gee om te eet.

**Voorkoms:** korrelrig, fyn soos ryp (Ex 16:14), wit (Ex 16:31), koljandersaad, balsemgom (Num 11:7).

**Smaak:** heuningkoek (Ex 16:31), oliekoek (Num 11:8).

## Johannes 6

**[4]** En die pasga, die fees van die Judaiëte, was naby.

**[30]** En hulle sê vir Hom: Watter teken doen U dan, sodat ons kan sien en U glo? Wat werk U? **[31]** Ons vaders het die manna in die woestyn geëet, soos geskrywe is: Hy het brood uit die hemel aan hulle gegee om te eet.

**[32]** En Jhesus sê vir hulle: Voorwaar, voorwaar Ek sê vir julle, dit is nie Moses wat die brood uit die hemel aan julle gegee het nie, maar my Vader gee julle die ware brood uit die hemel.

## Deuteronomium 8

**[3]** En Hy het jou verootmoedig en jou laat honger ly en jou die manna laat eet wat jy en jou vaders nie geken het nie, om aan jou bekend te maak dat die mens nie van brood alleen lewe nie, maar dat die mens lewe van alles wat uit die mond van Jahwe uitgaan.

## Mattheüs 4

**[3]** En die versoeker het na Hom gekom en gesê: As U die Seun van God is, sê dat hierdie klippe brode word.

**[4]** Maar Hy antwoord en sê: Daar is geskrywe: Die mens sal nie van brood alleen lewe nie, maar van elke woord wat deur die mond van God uitgaan. (**Lukas 4:3-4**)

## Johannes 1

**[1]** In die begin was die Woord, en die Woord was by God, en die Woord was God. **[2]** Hy was in die begin by God. **[3]** Alle dinge het deur Hom ontstaan, en sonder Hom het nie een ding ontstaan wat ontstaan het nie. **[4]** In Hom was lewe, en die lewe was die lig van die mense.

## Johannes 6

**[33]** Want die brood van God is Hy wat uit die hemel neerdaal en aan die wêreld die lewe gee.

**[35]** En Jahsua sê vir hulle: Ek is die brood van die lewe; wie na My toe kom, sal nooit honger kry nie; en wie in My glo, sal nooit dors kry nie.

**[47]** Voorwaar, voorwaar Ek sê vir julle, wie in My glo, het die ewige lewe. **[48]** Ek is die brood van die lewe.

**[49]** Julle vaders het die manna in die woestyn geëet en het gesterwe. **[50]** Dít is die brood wat uit die hemel neerdaal, sodat iemand daarvan kan eet en nie sterwe nie. **[51]** Ek is die lewende brood wat uit die hemel neergedaal het. As iemand van hierdie brood eet, sal hy lewe tot in ewigheid. En die brood wat Ek sal gee, is my vlees wat Ek vir die lewe van die wêreld sal gee.

## ***2. Sewe praktiese riglyne***



## *a) Vroeg in die oggend*

**Exodus 16 [14]** En nadat die doulaag opgetrek het, het daar oor die woestyn iets gelê wat fyn en korrelrig was, fyn soos ryp op die grond. **[21]** En hulle het dit môre vir môre ingesamel, elkeen na sy behoefte; en as die son warm word, smelt dit weg.

**Mattheüs 13 [5]** En 'n ander deel het op rotsagtige plekke geval waar daar nie baie grond was nie ... **[6]** maar toe die son opgaan, is dit verskroei, en omdat dit geen wortel gehad het nie, het dit verdroog.

**[20]** En by wie op rotsagtige plekke gesaai is — dit is hy wat die woord hoor en dit dadelik met blydskap aanneem; **[21]** maar hy het geen wortel in homself nie, hy is net vir 'n tyd, en as daar verdrukking en vervolging kom ter wille van die woord, struikel hy dadelik.

## ***b) Genoeg***

**Exodus 16 [16]** Dit is die saak wat Jahwe beveel het: Samel daarvan in, elkeen na sy behoefte: 'n gomer vir elke persoon volgens julle sieletal; elkeen moet dit neem vir die wat in sy tent is.

**[17]** En die kinders van Israel het so gedoen: hulle het ingesamel, die een baie en die ander min.

**[18]** Maar toe hulle dit met die gomer meet, het hy wat baie ingesamel het, niks oorgehad nie; en hy wat min ingesamel het, nie te min nie. Elkeen na sy behoefte het hulle ingesamel.

## ***c) Gebruik dadelik***

### **Exodus 16**

**[19]** En Moses het vir hulle gesê: Niemand moet daarvan laat oorbly tot môre toe nie. **[20]** Maar hulle het nie na Moses geluister nie: sommige het daarvan laat oorbly tot die môre toe. Toe kom daar wurms in en dit bederwe. ...

## *d) Rus, voorsorg*

### **Exodus 16**

**[22]** En op die sesde dag het hulle 'n dubbele porsie brood ingesamel, twee gomers vir elkeen. ...

**[23]** Toe sê [Moses] vir hulle: Dit is wat Jahwe gespreek het: Môre is dit rusdag, 'n heilige sabbat van Jahwe. Wat julle wil bak, bak dit; en wat julle wil kook, kook dit; en bêre vir julle alles wat oor is, om dit te bewaar tot die môre toe.

**[24]** En hulle het dit gebêre tot die môre toe, soos Moses beveel het; en dit het nie bederwe nie, en daar het geen wurms in gekom nie.

**[25]** Toe sê Moses: Eet dit vandag, want dit is vandag die sabbat van Jahwe. Vandag sal julle dit nie in die veld kry nie. **[26]** Ses dae lank moet julle dit insamel, maar op die sewende dag is dit sabbat; dan sal dit daar nie wees nie.

## *e) Vir elke behoefte*

### **Exodus 16**

**[23]** ... Wat julle wil bak, bak dit; en wat julle wil kook, kook dit ...

**[31]** ... dit het gesmaak soos heuningkoek.

### **Numeri 11**

**[8]** Die volk het rondgeloop en dit versamel en in handmeule gemaal of in vysels gestamp, en hulle het dit in potte gekook en daarvan roosterkoeke gemaak. En die smaak daarvan was soos die smaak van oliekoek.

# *f) Sien dit raak*

## **Numeri 11**

**[4]** En die gemengde bevolking wat onder hulle was, is met lus bevang. Toe het die kinders van Israel ook weer geweene en gesê: **Wie sal vir ons vleis gee om te eet?**

**[6]** Maar nou is ons siel dor; daar's glad niks nie: net die manna is voor ons oë.

# *g) Tot die hiernamaals*

## **Exodus 16**

**[35]** En die kinders van Israel het die manna veertig jaar lank geëet totdat hulle in 'n bewoonde land gekom het. Die manna het hulle geëet totdat hulle by die grens van die land Kanaän gekom het.

## **Josua 5**

**[12]** En die dag nadat hulle van die opbrings van die land geëet het, het die manna opgehou, sodat die kinders van Israel verder geen manna gehad het nie; maar hulle het geëet van die opbrings van die land Kanaän in daardie jaar.

